

A mettre dans

8N1-2-068

8N1-2-068

## AR VRETOUNED E LOURD

TON : Lez Breiz.

Rouanez Arvor, oll ho saludomp,  
O Guerc'hez dinam, ennoc'h e credomp. (bis)

O Guerc'hez Vari, dre-holl ha bepret,  
C'hui voue gant Breiziz ann *Itroun* garet.

Guechal hon tud'coz, sentuz d'ho lezen,  
En em vouestlas oll deoc'hui da viken.

Hag a-c'houde-vez, al le 'zo miret,  
'Vel en deiz kenta ma 'ze bet touet.

Hon Arvor a vev dre ho madelez :  
Ni 'zo bugale deoc'hui da jamez.

Euz ho pugale, ô Mam, clevit 'ta,  
Clevit ar beden hac ar bromessa.


O Mam hor Zalver, evel hon tadou,  
Ni 'ro da viken deoc'h hor c'halounou.

Mes prijit d'ho tro, arch a esperans,  
Souten ann Iliz, savetei ar Frans.

Mar be ret difen he honor d'hor bro,  
Ar Breizad kristen dispount a gerzo.

Dindan ho skoazel, epad ann emgann,  
Soudard, maftolod 'ra fae var ann tân.

Ar micherour paour, al labourer kez,  
A drid ho c'haloun gant ho karantez.



A mettre dans

8N1-2-068

Mam, roit ho pennoz deomp ha d'hon tudou,  
Ha d'hor parkeier koulz ha d'hon aochou.

D'hon tiegeziou, ha d'hor bugale,  
Ha d'hor mignouned 'zo er gear du-ze.

D'hor martoloded ho pennoz ivez ;  
Hi gass hoc'h hano d'an Douar-Nevez.

Skuillit ho pennoz var hor soudarded ;  
Rentit d'ho banniel he gloar hac he sked.

Hac hed hor buez, euz ho crassou c'houl,  
Ni hor bezo sonj, ô Guerc'hez Vari.

Euz ar roc'h santel, pa vimp enn hor bro,  
Ar sonj dudius ganeomp a jomo.

Endra bado 'r bruk var hor menezioù,  
Karantez hor Mam 'vo 'n hor c'halounou.

Rac ho pugale, ô Guerc'hez santel,  
Ar c'hed dreizoc'hui ar vuez eternal.

Oll en ho kichen, en env, eun devez,  
'Fell dezho beza, Mam a garantez.

**Permis d'imprimer :**

*Quimper, le 31 Mars 1879.*

J. JÉGOU, VIC. GÉN.

(TOUS DROITS RÉSERVÉS)

En vente chez J. SALAUN, Libraire, rue Kéréon, Quimper.

Quimper, typ. DE KERANGAL.